

引六位以下，以次入立於庭，為首者當御前跪賀，內侍進承令退，隨便而立，稱令旨，再拜訖退出。先是內侍令所司鋪座立臺盤，女御以上先著座，次尚侍以下四位以上，次內外命婦，北面次闈司引六位以下，北面列座，昇殿者留著座，不昇殿者退出，饗宴訖，賜祿。妃白褂衣一襲，夫人內親王各白褂衣一領，三位以上，妻四幅被一條，女孺之中給折櫃食百合祿調綿二百屯。儀式見

〔儀式六〕正月二日拜賀皇太子儀

當日后宮禮畢，掃部寮設式部輔已下座於監物曹司東道，設彈正弼已下座於大膳職便處，式部錄率史生入自西門立標，自寢殿南階中南去一丈，東折七尺立太政大臣標，南去立左大臣標，南去立大納言標，南去立中納言標，三位參議及王四位參議在此列南去立四位參議標，南去立王四位五位標，南去立臣四位標，南去立五位標，相去各六尺自同階中西折七尺，當太政大臣標立親王標，南去立右大臣標，南去立散一位二位標，南去立散三位標，四位參議者可敵無色關一標南去一丈二尺立王四位五位標，南去立臣四位標，南去立五位標，相去左自各第一五位標，東折三丈立掌儀標，東去三尺南折三尺立贊者，用省標二，相去四尺，並立西面訖式部輔已下省掌已上，率五位已上六位已下，列立南門左右，右東上北面彈正忠已下，列立同門左右，左西面北上于時開門，省丞錄史生分頭東西，搢笏執版參入，各置標下退出，次省掌二人執六位已下版置於外門屏幔東西端，訖掌儀帥贊者參入就位，于時皇太子著御座，坊亮升西階，向東北立，親王以下五位已上，次參入就位，省掌二人立門外，左右互稱容止次省丞錄史生，省掌相分左右，引六位已下就門外位，立定皇太子起立御座後，掌儀云再拜，贊者承傳，群官內外俱再拜，賀壽者出自列，升自西階，東面跪稱壽，稱詞如元日內裏，儀但不注年月訖復本位，群官俱拜，皇太子召亮稱唯，東面跪奉令旨，降自西階，至于南階西，東面宣令旨云々，訖群官拜舞，皇太子著御座，亮復位，掌儀云再拜，贊者承傳，群官再拜，訖以次退出，亮亦退出，訖掌儀帥贊者退出，省丞錄史生如初參入，執版退出。

〔延喜式四十三〕二日受宮臣朝賀儀